



## TRGOVINA LJUDIMA: Uhapšen još jedan član kriminalne grupe

# HAMIDOVIĆ PRONAĐEN U BANJOJ LUCI

**Nusret, sin takozvanog kralja džeparoša i trgovine ljudima Fehima Hamidovića, priveden na osnovu potrage koju je za njim raspisao**

**Okružni sud Chartres**

Banjačučki policajci uhapsili su, na osnovu Interpolove potjernice, 37-godišnjeg Nusreta Hamidovića iz Zagreba, osuđjenog za krivično djelo trgovina ljudima. Hamidovića zapravo potražuje Okružni sud Chartres zbog izvršenja ostatka kazne zatvora od pet mjeseci zbog krivičnih djela učestovanje u kriminalnoj organizaciji u cilju pripreme krivičnog djela, te trgovine ljudima.

### Džeparoši

On je nakon hapšenja predast Sudu BiH, koji mu je jučer odredio ekstradicioni pritvor od 18 dana.

- Pritvor prema ovom rješenju može trajati do 31. januara ove godine ili nove odluke Suda, rečeno nam je u Sudu.

Uhapšeni Hamidović poznat je kao sin takozvanog kralja džeparoša i trgovine ljudima Fehima Hamidovića, koji je u Parizu osuđen na sedam godina zatvora u maju 2013. godine zbog trgovine ljudima.

Nusret Hamidović se tereti da je bio dio kriminalne grupe koja je djevojke iz BiH odvodila u zemlje zapadne Evrope i tjerala ih da za njih prose.



Tokom akcije CD privedeno nekoliko osoba

Kriminalna grupa Hamidovića otkrivena je u akciji CD koju je izvela Agencija za istrage i zaštitu BiH (SIPA) u junu prošle godine. SIPA, skupa sa pripadnicima francuske policije. Tad su u toj akciji uhapšeni druga dva Fehimova sina Denis (21) i Toni Hamidović (24) te Elvis Salčinović (39) i Luka Hrustić (23), protiv kojih se vodi istraga u Tužilaštvu BiH. Njima je na teret stavljeno da su djevojke iz BiH vodili u Francusku, gdje su ih primoravali da za njih džepare i na taj način zaradili više od dva miliona eura. Prilikom njihovog hapšenja u Zenici je pronađen veliki broj djece nepozna-

tog identiteta i staratelja. Oni su imali razgranatu mrežu džeparoša širom Evrope, a istražne agencije vjeruju da je u posljednjih 10 godina pod njihovom kontrolom bilo više od 500 maloljetnika, uglavnom Roma s prostora bivše Jugoslavije.

### Organizacija

Klan je bio veoma dobro organizovan i pod svojom kontrolom imali su na stotine maloljetnih džeparoša, uglavnom djevojčica. Ovi podaci otkriveni su tokom suđenja Fehimu Hamidoviću (62), u Francuskoj. Osim u Francuskoj, klan je svoje ogranke imao u Austriji, Italiji, Belgiji i Španiji.

**A. B. Č.**